



## **Fraternità Gesù Risorto** **Casa di Preghiera S.Maria Assunta - Tavodo - TN**



Cerca

- [Home](#)
- [Fraternità Gesù Risorto](#)
- [Casa di preghiera](#)
- [Chiesa di Tavodo](#)
- [Novità](#)
- [Scrivici](#)

ME

NU

### **nÃ« gjuhÃ«n shqipe**

- [Home](#)
- [Fraternità Gesù Risorto](#)
- [Casa di preghiera](#)
- [Chiesa di Tavodo](#)
- [Novità](#)
- [Scrivici](#)
  
- [Kalendarik për vitin aktual](#)
- [KalendarÃ« 2008-2011](#)
- [Shkrime të tjera](#)
  - ◆ [MARTIRË VE SHQIPTARË](#)

### **Calendario**

- [Calendario anno in corso](#)
- [Il Calendario si presenta](#)
- [Per richiederlo](#)

- [Icane calendario \(spiegazione\)](#)
- [Immagini copertine](#)
- [Calendari 2008-2011](#)

## Omelie

- [Settimanali](#)
- [Anni 2001-2011](#)
- [OMELIE Audio](#)

## Opuscoli

- [Indice opuscoli](#)
  - ◆ [CHI CERCA TROVA](#)
  - ◆ [Opuscoli: indice \(ordine di pubblicazione\)](#)
  - ◆ [Opuscoli: indice per argomento](#)
  - ◆ [Opuscoli: indice alfabetico](#)
  - ◆ [Opuscoli: Lectio sui Vangeli](#)
- [Indice alfabetico opuscoli](#)
  - ◆ [A-G](#)
    - ◇ [Ai lettori](#)
    - ◇ [Gesù e l'ascesi](#)
    - ◇ [Gesù risorto, alleluia](#)
    - ◇ [Gesù taceva](#)
    - ◇ [Gioia - Sofferenza](#)
  - ◆ [H-P](#)
    - ◇ [Marta, Maria e Gesù](#)
    - ◇ [Naaman](#)
    - ◇ [Orsola Covi](#)
    - ◇ [Onore a voi che credete](#)
    - ◇ [Pace a voi](#)
    - ◇ [Padre nostro - 1](#)
    - ◇ [Padre nostro - 2](#)
    - ◇ [Padre nostro - 3](#)
    - ◇ [Pane nuovo](#)
    - ◇ [Parla, Signore](#)
    - ◇ [Per il silenzio](#)
    - ◇ [Per la preghiera](#)
    - ◇ [Perle del silenzio](#)
    - ◇ [Pezzi avanzati](#)
  - ◆ [Q-Z](#)
    - ◇ [Venite, applaudiamo al Signore!](#)
    - ◇ [Venite in disparte](#)
    - ◇ [Venite e vedrete](#)
    - ◇ [Via Crucis](#)
    - ◇ [Testimoni di Geova - breve](#)
    - ◇ [Testimoni di Geova - 1](#)
    - ◇ [Testimoni di Geova - 2](#)
    - ◇ [Testimoni di Geova - 3](#)
- ◆ OmelieABC
- [Sui Vangeli Mt Mc Lc Gv](#)

- ◆ Introduzione generale
- ◆ ⊕Vangelo secondo Marco 6
- ◆ ⊕Vangelo secondo Luca 10
- ◆ ⊕Vangelo secondo Giovanni 7
- ◆ Vangelo secondo Matteo
- Lettere di San Vigilio
- Pietruzze
- Libri
  - ◆ LIBRETTI: elenco

### Altri scritti

- Preghiere
  - ◆ Preghiere: indice
- Catechesi in briciole
- Provocazioni
  - ◆ Provocazioni indice
- Articoli e riflessioni
- Meditazioni
  - ◆ Meditazioni varie
- Abba, Credo, Messa...
  - ◆ Raccontarono
  - ◆ Abba GIOSUE'

## CALENDARIO / Calendario Cinquepani AL

### 01 ott 2020 10 Tetor 2020

10 Tetor 2020

1/10 E ENJTE XXVI° GJ. V. [II]  
1897)

(p: Sh. Tereza e Jezusit Fëmijë., virgj. e mës. e K., †

Jb 19,21-27; Ps 26; Lk 10,1-12

E pra e di se gjallë e kam Shpaguesin Jb 19,25

Duke vuajtur, Jobi shpreh besimin e tij me vendosmëri dhe qartësi. Ua shfaq miqve të tij, që nuk arrijnë ta ngushëllojnë. Nuk arrijnë t'i thonë që Hyji e do. Ai është i bindur që, nëse Shpaguesi është gjallë, s'ka pse me patur frikë. Shpaguesi pra, është i angazhuar për shëlbimin tonë.

2/10 E PREMTE ENGJËJT E ROJËS (p)

Dal 23,20-23; Ps 90; Mt 18,1-5.10

Ki nderim për të dhe dëgjoje. Mos i kundërshto! Dal 23,21

10 Tetor 2020

Është Hyji që e fton popullin ta dëgjojë engjëllin e ngarkuar për ta udhëhequr. Dëgjoje, para së gjithash, dhe nëse të propozon diçka jo e parashikuar prej teje, mos e kundërshto. Ai flet në Emër të Hyjit vetëm për të mirën tënde.

Edhe pranë meje rri një engjëll i ngarkuar që të më mbrojë në ecjen e jetës: do të kërkoj ndihmën e tij me besim dhe kthjelltësi.

3/10 E SHTUNË XXVI° GJ. V. [II]

Jb 42,1-3.5-6.12-17; Ps 118; Lk 10,17-24

Ja, ju dhashë pushtet të shkëlpi përmbi gjarpërinj e përmbi akrepë Lk 10,19

Jezusi i dëgjon dishepujt e Tij që po i tregonin rezultatin e misionit të parë të tyre. I ngushëllon dhe ua aprovon punën e tyre. Djajtë largosheshin prej lutjeve dhe fjalëve të tyre. Por Zoti u rekomandon atyre që të mos e shohin me sodisfaksion punën e tyre, por më tepër të shijojnë gjithnjë prej dashurisë që Ati ka për ta: Ai i do edhe – e mbi të gjitha – kur do të ofendohen dhe do të përndiqen.

4/10 E DIEL XXVII° GJ. V. Viti A [III]

Is 5,1-7; Ps 79; Fil 4,6-9; Mt 21,33-43

U afrua koha e të vjelave për të marrë frytin Mt 21,34

Jezusi tregon një shëmbëlltyrë. E marrim vesh: në jetën tonë vjen çasti në të cilin është e nevojshme të japim llogari ndaj asaj që kemi bërë. Kujt do t'i japim llogari? Është ngushëlluese të dimë që Ati ynë është Ai të Cilit do t'i dorëzojmë krejt punën tonë: Ai na do dhe do të na dojë!

5/10 E HËNË XXVII° GJ. V. [III]

Gal 1,6-12; Ps 110; Lk 10,25-37

Kush është i afërmi im? Lk 10,29

Kësaj pyetjeje, ndaj mësuesit të Ligjit, Jezusi i ka përgjigjur duke i treguar një shëmbëlltyrë shumë të bukur të samaritanit të mirë. Është e bukur shëmbëlltyra, sepse Jezusi sjell shembullin e dashurisë dhe të bindjes ndaj Hyjit nga një heretik, i nënçmuar, i dëbuar. Që edhe unë të mund të jem i vlerësuar dhe shembull për të tjerët, edhe nëse nuk jam i konsideruar një 'i krishterë i mirë'.

6/10 E MARTË XXVII° GJ. V. [III]

(pf: Sh. Bruno, murg, † 1101)

Gal 1,13-24; Ps 138; Lk 10,38-42

Maria zgjodhi pjesën më të mirën që nuk do t'i merret Lk 10,42

01 ott 2020 10 Tetor 2020

10 Tetor 2020

Pas shembullit të samaritanit të mirë, ja një tjetër shembull për ne. Kësaj radhe një grua, një grua që me sa duket nuk bën asgjë, por është e aftë të dëgjojë. Dëshira e parë e saj është ta dëgjojë Jezusin, që të jetë Ai të thojë se çfarë duhet të bëjë. Motra e saj, përkundrazi, vendos vetë se çfarë të bëjë, por në këtë mënyrë, bëhet e padurueshme dhe murmurit. Jezusi i ofron pikërisht shembullin e asaj motre ku ajo është duke e kritikuar!

7/10 E MËRKURË XXVII° GJ. V. [III] (p: Virgjëra Mari e të Shenjtës Rruzare)

Gal 2,1-2.7-14; Ps 116; Lk 11,1-4 (ose. Vap 1,12-14; Kënga Lk 1,46-55; Lk 1,26-38)

Kur të luteni atë u tha Jezusi – thoni: O Atë! Lk 11,2

Dishepujt e kanë vënë re që nuk janë të aftë të lutin siç Mësuesi i tyre. I kërkojnë që t'u mësojë atyre. Dhe Ai u përgjigjet menjëherë. Është e rëndësishme të mësojmë të lutemi. Kush nuk shkon në shkollën e lutjes e gënjen veten se di të lutet. Që tani, fillo të bësh të lindë në zemrën tënde ndjenja e dashurisë, për t'iu përgjigjur dashurisë së Atij që ta ka dhënë jetën. Rruzarja e Shenjtë është një lutje që të mëson të lutesh me dashurinë që Maria ka për Jezusin!

8/10 E ENJTE XXVII° GJ. V. [III]

Gal 3,1-5; kënga Lk 1,69-75; Lk 11,5-13

Lypni e do t'ju jepet Lk 11,9

Jezusi ua ofron këtë ftesë dishepujve që kultivojnë tashmë një dashuri të fortë për Të. Është Ai Thesari i tyre. Prandaj, duke u lutur, do t'i kërkojnë vetëm atë që Ai Vetë do të dëshironte t'u dhuronte. Do të jenë të plotësuar!

9/10 E PREMTE XXVII° GJ. V. [III] (pf: Sh. Dionizi, ip. dhe Shokët, martirë, † shek. III; Sh. Gjon Leonardi, mesh., † 1609)

Gal 3,7-14; Ps 110; Lk 11,15-26

Ata që besojnë janë të bekuar Gal 3,9

Vijnë prej fesë ata që e vënë shpresën e tyre në dashurinë e Atit dhe jo në aftësitë e veta. Nuk vijnë prej fesë ata që mendojnë që janë të aftë t'i meritojnë huret me forcat e veta. Këta rrezikojnë të mburren, që t'i gjykojnë të tjerët, të pretendojnë. Të bekuar do të jenë ata që pranojnë të jenë të shëlbuar prej dashurisë së Atit!

10/10 E SHTUNË XXVII° GJ. V. [III]

Gal 3,22-29; Ps 104; Lk 11,27-28

Madje, të lumët ata që e dëgjojnë fjalën e Hyjit dhe e zbatojnë Lk 11,28

10 Tetor 2020

Jezusi i përgjigjet kështu një gruaje që... kishte zili nënën e vet. Maria është e bekuar vetëm sepse e ka dëgjuar dhe i është bindur Atit. Është për këtë që ka mundur t'i japë jetë Birit të Hyjit. Edhe ti mund të jetosh si ajo, duke dëgjuar dhe duke bërë vullnetin e Hyjit. E do të jesh i lumtur!

11/10 E DIEL XXVIII° GJ. V. Viti A [IV]

Is 25,6-10; Ps 22; Fil 4,12-14.19-20; Mt 22,1-14

Shumë janë të grishur, por pak janë të zgjedhur Mt 22,14

Me këto fjalë, Jezusi përfundon një shëmbëlltyrë të gjatë për të përshkruar një aspekt të Mbretërisë së qiejve. Të gjithë mund të bëjnë pjesë, “*të këqinj e të mirë*”, me paktin që të mos refuzojnë veshjen e dasmës, dhuratë e Mbretit. Rivishemi çdo ditë me Krishtin, dhuratë e Atit! E bëjmë duke mirëpritur Shpirtin e dashurisë së Tij, të faljes, të butësisë dhe të përvuajtërisë.

12/10 E HËNË XXVIII° GJ. V. [IV]

Gal 4,22-24.26-27.31 - 5,1; Ps 112; Lk 11,29-32

Krishti na liroi që të mbeteshim vërtet të lirë! Gal 5,1

Çfarë dëshiron të thotë Shën Pali? Jezusi na ka liruar nga të gjitha detyrimet për të cilat hebrenjtë ndiheshin të shtrënguar, në mënyrë që të ishin të lirë për të dashur të gjithë njerëzit sikurse Ai i do. Nuk jemi të detyruar ta shpëtojmë jetën tonë me veprat tona, por le të merremi duke i dashur të afërmit: do të jemi të lirë për të dashur!

13/10 E MARTË XXVIII° GJ. V. [IV]

Gal 5,1-6; Ps 118; Lk 11,37-41

Një farise iu lut të shkonte tek ai për drekë Lk 11,37

Sa bukur të kesh Jezusin për drekë! Por, Ai ama, nuk ndihet i detyruar të heshtë dhe të aprovojë gjithçka: është i aftë edhe të qortojë atë që e ka ftuar. Dhe në fakt i thotë që më e rëndësishme se sa higjiena e jashtme është ajo e brendshme.

14/10 E MËRKURË XXVIII° GJ. V. [IV]

(pf: Sh. Kalisti I, papë e mart., † 222)

Gal 5,18-25; Ps 1; Lk 11,42-46

E nëse ju prin Shpirti, nuk jeni të nënshtruar Ligjit Gal 5,18

10 Tetor 2020

Kush është i nënshtruar ligjit është i tentuar të bëjë minimumin, për të kënaqur rehatinë vetjake. Kështu bëhet egoist, i përkushtohet kënaqësive, mirëpret brenda vetes zili, gjykime, mosmarrëveshje dhe madje, magji dhe papastërti. Kush lihet të udhëhiqet prej Shpirtit, përkundrazi, njeh dashurinë dhe gëzimin, durimin dhe mirësinë, përvuajtërinë dhe zotërimin e gjuhës dhe të ndjenjave, dhe i jeton me besnikëri angazhimet vetjake.

15/10 E ENJTE XXVIII° GJ. V. [IV]

(p: Sh. Tereza e Avilës, virgj. e mës. e K, † 1582)

Ef 1,1-10; Ps 97; Lk 11,47-54

Në Të na zgjodhi para krijimit të botës Ef 1,4

A e din përse Hyji na ka zgjedhur? Derisa të bëhemi të shenjtë. Çfarë do të thotë? Ta them në këtë mënyrë: je i shenjtë, kur nuk reagon ndaj difekteve dhe mëkateve të të tjerëve, as edhe kur të të bezdisin. Je i shenjtë, kur reagon vetëm ndaj dashurisë së Atit, dhe për këtë, vazhdon të duash, edhe kur mund të shpifin kundër teje dhe kërkojnë të të shtypin me këmbë.

16/10 E PREMTE XXVIII° GJ. V. [IV]  
virgj., † 1690)

(p: Sh. Hedviga, rreg., † 1243; Sh. Margarita M. Alacoque,

Ef 1,11-14; Ps 32; Lk 12,1-7

Ruajuni prej tharmit të farisenjve Lk 12,1

Tharmi është ajo farë e vogël që bën të fryhet brumi. Mos u influenco nga ajo që i kushtëzon farisenjtë, që do të thotë, nga ajo dëshira sa për t'u ndjerë në rregull. Përpara Hyjit je gjithnjë jashtë vendit, jo në rregull, sepse nuk din të duash siç Ai do. Jeto përvuajtërinë dhe vazhdo duke i pranuar madje përluljet.

17/10 E SHTUNË XXVIII° GJ. V. [IV]

(p: Sh. Injaci i Antiokisë, ip. e mart., † 107)

Ef 1,15-23; Ps 8; Lk 12,8-12

Atë e vendosi mbi çdo gjë â† për Krye të Kishës Ef 1,22

Apostulli po flet për Jezusin. Kisha e Tij është trupi i Tij: Ai është udhëheqësi si Kryet, është jeta dhe udhëheqja e trupit të njeriut. Kisha, prandaj, i bindet Krishtit Jezus, dhe Ai shërbehet prej saj për të shëlbuar botën. Jezusi nuk mund të bëjë asgjë pa Kishën: është trupi i Vet! Dhe Kisha, pa Kryet, do të ishte e vdekur.

18/10 E DIEL XXIX° GJ. V. Viti A [I]

Is 45,1.4-6; Ps 95; 1Sel 1,1-5; Mt 22,15-21

Jepini, pra, Çezarit çka i përket Çezarit e Hyjit çka i përket Hyjit Mt 22,21

10 Tetor 2020

Përgjigjja e Jezusit i vë në siklet bashkëfolësit e Tij, sepse ishin të sigurtë që i kishin ngritur një kurth të shkëlqyer. Zoti i referohet drejtësisë: ktheje atë që nuk është e jotja. A përdor atë që është e Çezarit? Njihe. A je borxhli ndaj Zotit? Mos e harro. A do të arrish t'ia kthesh Hyjit gjithçka që ke marrë prej Tij?

19/10 E HËNË XXIX° GJ. V. [I] (pf: Sh. Gjoni nga Brebeuf, Izak Jogues, meshtarë, dhe Shokët , martirë, shek. XVII; S.h Pali i Kryqit, mesh., † 1775)

Ef 2,1-10; Ps 99; Lk 12,13-21

Ne që ishim të vdekur për shkak të fajeve, na ngjalli bashkë me Krishtin Ef 2,5

Ishim të vdekur kur u bindeshim egoizmave, kur kërkonim t'i jepnim sodisfaksion kënaqësive, kur e linim veten të tërhiqeshim prej ambicjeve dhe nga mburrja. Ishim të vdekur. Pikërisht atëherë, Hyji na ka dhënë Krishtin Jezus, jetën e re dhe të plotë, që na mbush me gëzim dhe paqe. Edhe sot na ofrohet kjo mundësi!

20/10 E MARTË XXIX° GJ. V. [I]

Ef 2,12-22; Ps 84; Lk 12,35-38

Erdhët 'afër' â† në saje të gjakut të Krishtit Ef 2,13

Jemi afër, thotë Shën Pali. Hebrenj dhe paganë jemi bashkuar me njëri-tjetrin, kur Jezusi ka hyrë në jetën tonë. Që atëherë, ndihemi një zemër e vetme, një popull i vetëm, një grigjë e vetme. Është e çuditshme, o Jezus: kur të takojmë Ty, i transformon të gjitha marrëdhëniet. Akoma s'e ke provuar?

21/10 E MËRKURË XXIX° GJ. V. [I]

Ef 3,2-12; Is 12,2-6; Lk 12,39-48

Zotëri, a po e thua këtë shëmbëlltyrë vetëm për ne, apo për të gjithë? Lk 12,41

Është Shën Pjetri që mendon që ka dallime mes miqve të Jezusit dhe të tjerëve. Por, kur një e dëgjon Jezusin dhe i bindet, është tashmë mes miqve të Tij. Krejt fjalët e Tija mund të jenë të jetuara nga të gjithë. Secili është i Tiji, kur i bindet, dhe vetëm atëherë.

22/10 E ENJTE XXIX° GJ. V. [I] (pf: Sh. Gjon Pali i II-të, papë.)

Ef 3,14-21; Ps 32; Lk 12,49-53

Që Krishti të banojë në zemrat tuaja me anë të fesë Ef 3,17

Kështu lutet Shën Pali. Ai e di që një i krishterë është i tillë kur në zemrën e tij banon Zoti dhe banon qëndrueshmërisht, dhe jo me ndërpreje. I krishteri ka një jetë të 'brendshme', d.m.th., jeton brendësisht një



10 Tetor 2020

marrëdhënie të vazhdueshme me Jezusin. Përndryshe është një i krishterë i rremë, që do të thotë, një komedian.

23/10 E PREMTE XXIX° GJ. V. [I]

(pf: Sh. Gjoni nga Kapistrani, mesh., † 1456)

Ef 4,1-6; Ps 23; Lk 12,54-59

Durojeni njëriâ† tjetrin me dashuri Ef 4,2

Të krishterët nuk janë dhe nuk do të bëhen kurrë të përkryer. Gjithnmonë do ta kenë ndonjë limit, ndonjë defekt që mund të bëhet edhe mëkat. Prandaj, duhet për të mbajtur në mendje që është e nevojshme të durojmë dhe të kemi përvuajtëri, ku të dimë që edhe të tjerët na durojnë neve. Kështu, dashuria e Jezusit bëhet e dukshme.

24/10 E SHTUNË XXIX° GJ. V. [I]

(pf: Sh. Antoni Maria Claret, ip., † 1870)

Ef 4,7-16; Ps 121; Lk 13,1-9

Të rritemi në çdo pikëpamje drejt Atij që është Kryet â† Krishtit Ef 4,15

Për të patur këtë, që do të thotë për t'u rritur në pikpamjen e shtatit shpirtëror, thotë Shën Pali, nuk duhet të përshtatemi me botën. Përreth nesh fryn çdolloj “*ere doktrine*”, që të mashtron, që të çakërdis në gabim. Të jemi të kapur tek Jezusi, është e nevojshme të jemi në bashkim me barinj të dhe mësuesit, me apostujt dhe shërbëtorët e Kishës.

25/10 E DIEL XXX° GJ. V. Viti A [II]

Dal 22,20-26; Ps 17; 1Sel 1,5-10; Mt 22,34-40

Duaje të afërmin tënd porsì vetveten Mt 22,39

Jezusi i përgjigjet mësuesit të Ligjit. Nuk ngurron të vendosë përbri urdhërit të madh edhe urdhërin e dytë, të ngjashëm me të parin. Ky i dyti tregon të vërtetën e të parit. Në fakt, kush e do të afërmin, çdo të afërm, i bindet Hyjit krijues të të gjithëve dhe i bindet Atit, ku të gjithëve na pret për të na përqaftuar.

26/10 E HËNË XXX° GJ. V. [II]

Ef 4,32 - 5,8; Ps 1; Lk 13,10-17

Po, dikur ishit errësirë, por tani jeni dritë në Zotërinë Ef 5,8

Ndryshimi duhet të shihet. Si ia bëj që ta kuptoj që nuk jam më pagan? Ngase shihet që jam i krishterë, që jam një dishepull i Jezusit, një bir i Hyjit? Fëlligështia ose çfarëdolloj papastërtie, ose lakmimi, as të mos zihet në

10 Tetor 2020

gojë ndër ju, thotë Shën Pali; ji dashamirës dhe bujar, i shkëputur prej pasurisë. Më në fund, jeta jote tani ndriçon botën!

27/10 E MARTË XXX° GJ. V. [II]

Ef 5,21-33; Ps 127; Lk 13,18-21

Nënshtrohuni njëriâ† tjetrit në frikën e Krishtit Ef 5,21

Një nxitje e çuditshme e botës sonë, ku secili don të nxjerrë krye. Por apostulli thotë: “*në frikën e Krishtit*”! Është Jezusi që mund të na i ndryshojë dëshirat tona, ëndrrat tona. Zoti don të na ndihmojë që të bëhemi dashuri, që të mund t’i përngajmë Atit. Kur kërkoj të jem i nënshtuar, i ndihmoj të tjerët që të jenë më të mirë. Bota ndryshon me gjestet e dashurisë, edhe kur kushtojnë.

28/10 E MËRKURË SH. SIMONI DHE JUDA, Ap. [P]

Ef 2,19-22; Ps 18; Lk 6,12-19

**DIOQEZA E LEZHËS – Kushtimi i Kishës Katedrale.**

Kishin ardhur për ta dëgjuar e për t’u shëruar Lk 6,18

Kush vjen tek Jezusi për ta dëgjuar dhe për të marrë dobitë nga prania e Tij, gjen edhe apostujt. Kush kërkon Jezusin, e gjen gjithmonë të rrethuar prej të Vetëve. Mos ëndërro një Jezus pa Kishën! Edhe apostujt e dëgjojnë dhe kanë nevojë të jenë të shëruar, por Zoti i do me Vete dhe do t’i dërgojë me autoritetin e Tij. T’i falënderojmë sot Simonin e Judë Tadeun për dashurinë e tyre ndaj Zotit dhe botës që e kanë ungjillizuar.

29/10 E ENJTE XXX° GJ. V. [II]

Ef 6,10-20; Ps 143; Lk 13,31-35

Merrni përkrenaren e shëlbimit dhe shpatën e Shpirtit Shenjt, domethënë Fjalën e Hyjit Ef 6,17

Apostulli dëshiron të na shohë të armatosur, domethënë të gatshëm për t’u mbrojtur nga armiqtë e fesë sonë. Këta armiq nuk janë njerëz, por janë tundimet që burojnë brenda nesh. Pra, armët, janë e vërteta, vullneti për t’iu bindur Hyjit, dëshira për ta shpallur Ungjillin, feja dhe, në fund, Fjala e Hyjit gjithnjë aktive në mendje dhe në zemër. Fjala e Hyjit e frikëson armikun tonë, djallin. Nëse nuk e ke Fjalën në zemër, të gjitha ndjenjat e tua të zotërojnë dhe të shkatërrojnë.

30/10 E PREMTE XXX° GJ. V. [II]

Fil 1,1-11; Ps 110; Lk 14,1-6

10 Tetor 2020

Gjithmonë, sa herë më bie ndër mend për ju, falënderoj Hyjin tim Fil 1,3

Shën Pali i do Filipianët, që me përvuajtëri e kanë ndihmuar në disa raste. Lutja e tij është, pra, një falënderje e vazhdueshme ndaj Zotit, e cila shton kërkesën, derisa dashuria e tyre të bëhet gjithmonë e më e bukur, më e thellë, më efikase. Mund të them edhe unë të njëjtën gjë për sa i përket shumë të krishterëve të cilëve u jam borxhli shpirtërisht dhe materialisht.

31/10 E SHTUNË XXX° GJ. V. [II]

Fil 1,18-26; Ps 41; Lk 14,1.7-11

Krishti do të madhërohet në trupin tim, si në jetofsha si në vdiqsha Fil 1,20

Shën Pali iu ofron këtë konfidencë dishepujve të vet. Po reflekton mbi faktin se ka shumë persona që shpallin Ugjillin me zili, për fat të keq, xheloz, ambicje, dashuri për paranë. Aspak mos kini frikë, thotë ai: asgjë tjetër veçse të predikohet Krishti, qoftë për qëllime të tjera, qoftë me çiltëri. Kësaj gjëje i gëzohem dhe do t'i gëzohem. 19 Sepse e di se në saje të lutjeve tuaja dhe të ndihmës së Shpirtit të Jezu Krishtit kjo do të më vlejë për shëlbim!

## In primo piano

### • CALENDARIO / Calendario Cinquepani AL

- ◆ 01 JANAR 2013  
01 JANAR 2025
- ◆ 01/01/2025  
Lutja e Jubileut 2025
- ◆ 02/01/2025  
02 SHKURT 2025
- ◆ 01/03/2025  
03 MARS 2025
- ◆ 01/04/2025  
04 PRILL 2025
- ◆ 01/05/2025  
05 MAJ 2025
- ◆ 01/06/2025  
06 QERSHOR 2025
- ◆ 01/07/2025  
07 Korrik 2025
- ◆ 01/08/2025  
08 Gusht 2025
- ◆ 01/09/2025  
09 Shtator 2025
- ◆ 01/10/2025  
10 Tetor 2025
- ◆ 01/11/2025  
11 Nëntor 2025
- ◆ 01/12/2025


12 Dhjetor 2025

## Archivio

- [2025](#)
- [2024](#)
- [2023](#)
- [2020](#)
- [2019](#)
- [2016](#)
- [2014](#)
- [2013](#)
- [2012](#)

[Link di questa pagina](#) [Invia pagina](#) [Stampa Pdf](#)

**SCRITTI IN ALTRE LINGUE**


 [Türkçe](#)

- [Konya, Aziz Pavlus kilisesi](#)
- [Dualar - preghiere](#)
  - ◆ [Dualar](#)
  - ◆ [Dua edelim](#)
  - ◆ [Mezmurlar](#)
  - ◆ [Rabbin duası: kâsa aklama](#)
  - ◆ [Kutsal Yüreğe ve Evlere](#)
  - ◆ [Vicdan yoklaması için](#)
  - ◆ [Meryem Ana'ya dua \(yeni\)](#)
  - ◆ [Meriyem Ana'ya dualar](#)
  - ◆ [Selam sana aklaması](#)
- [Vaazlar - omelie](#)
- [2001-2011 Vaazlar](#)
- [Kitapçıklar - libretti](#)
  - ◆ [Kitapçıklar](#)
  - ◆ [Ruhsal sohbetler](#)
  - ◆ [Yetmiş kere yedi kez](#)
- [Sorular - Domande](#)
  - ◆ [Sorular / domande](#)
  - ◆ [Diyalog ve Sorular \(TR-IT\)](#)
  - ◆ [Sorular \(TR-IT\) domande](#)
  - ◆ [Diyalog ve Sorular 1. \(1-15\)](#)
  - ◆ [Diyalog ve Sorular 2. \(16-30\)](#)
  - ◆ [Diyalog ve Sorular 3. \(31-46\)](#)
- [Cari yıl için takvim](#)
- [2008-2011 Takvimler - calendari](#)

 [Français](#)

- [Homages](#)
- [Broschures](#)


- ◆ Broschures
- ◆ Je suis celui qui est
- ◆ Soixante-dix-sept fois
- ◆ Il les appela "Apotres"
- ◆ En Lui est la vie
- ◆ CachÃ© dans le nuage
- ◆ Les Armes de l'Esprit
- ◆ Jesus est ressuscite. Alleluia!
- ◆ Mais Jesus gardait le silence
- ◆ Marthe, Marie... et Jesus
- ◆ Je suis pardonne
- ◆ Parle Seigneur!
- ◆ Le Pain Nouveau
- ◆ Je vais a la Messe
- HomÃ©lies 2002-2011

 nÃ© gjuhÃ© shqipe

- Kalendarik pÃ©r vitin aktual
- KalendarÃ© 2008-2011
- Shkrime tÃ© tjera
  - ◆ MARTIRÃ© VE SHOIPTARÃ©

 English

- Calendar for the current year
- Homilies
- Homilies 2002-2011
- Calendar 2008-2010
- Brochures

 Ã© \_Ã© \_Ã©

- Ã© ¥Ã© "Ã© -Ã©'Ã©.cC
- Ã©° Ã©" Ã©- Op
  - ◆ Ã©° Ã©" Ã©- Op
  - ◆ Ã©... Ã©¸Ã© ©Ã©-³Ã© Ã©¸«
  - ◆ 1. Ã©" Ã©' c² Ã©'
  - ◆ 2. ç-Ã©, ðè²Ã©.Ã© ¥è. Ã© æ Â.
- Ã© ¥Ã© " 2008-2011

 Urdu

- Calendario cinque pani Ù¾Ø§Ù"Ù" Ø±Ù Ù¹Ù Ù©Ù Ù...Ù"Ù

 Deutsch

- Kalender fÃ¼r das laufende Jahr
- Kleinschriften
  - ◆ Kleinschriften â† FÃ¼nf Gerstenbroteâ†
  - ◆ Einleitung

